

燒其藥，其烟發，隸明兵迷，騷義弘兵急擊之，明兵敗走。忠恒率兵擊彭信古三千兵，大破之，縱橫翦屠二千兵，悉死，其幸免者僅五六十餘也。郝三賧師道立，亦同敗。崩，國器并采見之，謂城中無人，即督一万余均進向城。義弘帥殘兵五千，大呼競擊明兵，亦忘死相戰，然精兵千騎悉死，依是諸軍皆敗。北蓋芳威亦逃走，董十元勵諸將欲旋軍而後攻之，中軍徐世卿於望津留戰，義弘兵執而殺之，至是明兵大敗，陷死亡者不知且千五百也。義弘下令使其兵速入城，義弘所斬獲之首級三万余，即割之盛，于十大樽而遣于日本，自是之後，明兵朝鮮兵，弘畏石曼子之兵威。石曼子者明國音島津也凌歸彈正少將石田治部少輔受。

大權現之命到，前前霸家臺先遣使于朝鮮，告秀尚之薨，催諸將之歸朝，郭国安聞之，往告明人，然義弘大捷之，故明兵恐不敢進。

大權現又遣藤堂休渡守高見，伺朝鮮之躡勢，時聞義弘軍有大利而諸將歸朝之，亦難於是，凌歸石田藤堂皆歸伏見，以白之。

大權現悅焉。

大明聞日本兵之欲進師，故以陳璘為水路提督，陸兵五千水兵三千屬焉。又遣副總兵陳璘、鄧子龍遊擊馬文煥、季金、張良相，其兵一万三千人，調戰艦數百艘，分屯于忠清、全羅、慶尚三道之海口，以防日本兵。滑正去山行長徹須天義弘出泗川，皆將歸朝，陳璘

聞而喜曰是固獲倭之時也即遣鄧子龍及朝鮮李統制水兵千餘艦千鼓金欲遮日本兵時義弘既歸去與行長相遇鄧子龍率二百兵乘小舟與行長兵苦戰子龍舟忽中佛即機而摧頽子龍亦死行長兵乘勝飛入其舟悉殺二百餘人李統制馳舟急來救之亦被斬殺於是陳蠶季金沉理圍行長舟而攻擊行長馳出到加德與義弘相會大明中軍大將陶明宰與日本兵相值戰死

大權現乃遣德永法中壽田宮城長次郎豐盛於朝鮮返諸將之軍各受旨凱旋

清正行長義弘直茂幸長等諸將皆到對馬而歸朝到霸家臺而與石田會清正先赴釜島逢淺跡而後與淺跡携手來于霸家臺翌日淺跡石田聚清正行長等諸將犒其在陣之苦辛且告秀吉之遺言而語其遺物諸將感謝之皆流涕不止頃之石田淺跡言曰諸將先赴伏見而後歸各國可慰累年之困憊來歲上京之日催茶會以互慰心耳清正素與石田相惡進出高呼曰諸將固可設茶遊我儕中營于朝鮮既七禩于今瓶無積粟囊乏一錢故無茶亦無酒唯以稗粥饗諸將而已石田尤嫉之然不相問益而止遂上京到伏見執謁于

大權現而後各歸國

大權現感義弘之功加賜領地四万石時人皆羨之秀吉平生凡所知其名無貴賤無男女無僧俗任其遺命皆受之金銀器財等各有所

同四年二月五日加賀木納吉利家備前中納言秀家
會津中納言景勝安藝中納言輝元德善院僧正法印
末以淺野彈正少弼長政增田右衛門尉長盛石田油
部少輔主成長束木藏木輔正家以連判誓詞捧于
大權現先是為奉謝之是託誓姻不如約而有所敷說故
堀尾帶刀吉晴中村式部少輔一氏生駒雅樂助屢請
解說於是

大權現聽之乃誓于九人

四月十八日勅賜秀吉社謚豐國大明神

豐臣秀吉譜下終

右秀吉譜三卷奉

台命撰著之其所

考檢則近世之雜記及中華朝鮮之事
記且其所聞說亦有之去冬奉月十六
寅起毫園鍾二十二日終功焉

寬永十九年仲春下旬

羅山子道春

函三子守勝草之

明曆四歲初秋吉旦荒川四郎左衛門梓行